



Anthon Frederiksen
Inatsisartunut ilaasortaq
Inatsisartut
/MAANI

§ 37 naapertorlugu apeqquteqaammut nr. 2015-073-imut akissut

Inatsisartut suleriaasianni § 37, imm. 1 naapertorlugu aalisarneq pillugu Naalakkersuisunut apeqquteqarsimavutit. Apeqqutit uannut akisassanngorlugit innersuunneqarsimapput.

1. Sinerissap qanittuani kitaata tunullu imartaani aalisarnermi misileraaneq sømil-it pingasut avataani ingerlanneqarsinnaavaa?
2. Apeqqut 1-imi taamaaliortoqarsinnaanngippat suut aporfiuppat?
3. Sinerissap qanittuani kitaata tunullu imartaani aalisartunik nunatsinneersunik imaluunniit nunani allaneersunik misileraasoqarpaa?
4. Apeqqut 3-mi taamaattoqarsimappat aalisariutit suminggaanneersut misileraappat?
5. Aalisariutinik nunatsinneersunik maannakkut kitaata imaluunniit tunup imartaani misileraanissamik qinnuteqartoqarpaa?

Akissut:

1-mut)

Nunatta Kitaani Tunumilu 3 sømilit killigitaasut avataanni misileraalluni aalisarnissamut tunngaviatigut akornutissaqanngilaq. 2014-imi 3 sømilit avataanni misileraalluni aalisarnerit arlaqartut ingerlanneqarnikuupput. Taakkua amerlanersaat Tunumi ingerlanneqarput. Aalisakkat nutaat takkussortut aalisarfissalluunniit ullumikkut atorineqanngitsut atorluarneqarnissaat Naalakkersuisut assut pingaartippaat. Tamanna tunngavigalugu aalisakkanik takkussortunik nutaanik aalisarfissani nutaani imaluunniit nutaanik aalisarnermi atortoqarluni misileraalluni aalisartoqarnissaa Naalakkersuisut assut tapersersornartippaat.

2-mut)

Takuuk apeqqut 1-imut akissuteqaat.

3-mut)

2014-imi Kalaallit Nunaanni sinerissamut qanittumi misileraalluni aalisarnerit arlaqartut ingerlanneqarnikuupput, ilaatigut Kitaata Avannaani Qimusseriarsuarmi misileraalluni raajarniartoqarluni, assigiinngitsunik misileraalluni aalisartitsinerit arlaqartut, annerusutigut aalisakkanik natersiortunik Tunumi misileraalluni aalisarnerit kiisalu Qeqertarsuup Tunuani misileraalluni qalerallinniarnit. Taamatut aalisarnissamut nunatsinni ingerlatseqatigiiffinnut inunnulluunniit taamaallaat akuersissuteqartoqarnikuuvoq. 2015-imi misileraalluni aalisarnissanut akuersissutissat Naalakkersuisut maannakkut suliaaraat.

23-03-2015
Suliap normua 2015-113050
All. nr. 1906080

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

4)-mut

Nunatsinni ingerlatseqatigiiffinnut inunnulluunniit misileraalluni aalisarnissamut aallaavittut taamaallaat akuersissuteqartoqarpoq. Qimusseriarsuarmi raajarniarneq aalisariutinit nunatsinneersunit ingerlanneqarpoq, angallatit kalaallinik inuttaqarnissaannik nalunaarummi piumasaqaammik naammassinnittunit. Tunumi aalisakkanik assigiinngitsunik aalisarneq ingerlatseqatigiiffinnit nunatsinneersunit ingerlanneqarpoq, siunertamut tassunga aalisariutinik Norgemeersunik attartorsimasunit. Qeqertarsuup Tunuani qaleralinniarneq, umiatsiaararsortunit aqutsiveqarfanni ukunani Qeqertarsuup Tunuani, Uummannami kiisalu Upernavimmi aalisarnissamut akuersissutilinnit, kisianni Ilulissani, Qeqertarsuarni, Qasigianguani, Aasianni Kangaatsiamilu najugaqartunit ingerlanneqarpoq.

5)-imut

Aap, Aalisarnermut, Piniarnermut Nunalerinermullu Naalakkersuisoqarfik Kitaani Tunumilu misileraalluni aalisarnissamut qinnuteqaatinik arlalinnik tigusaqareerpoq.

Inussianersumik inuulluaqqsillunga

Karl-Kristian Kruse